

¹ FANUM JOVIS Ptolem. lib. 5. cap. 2. in Notitia sub Epheso ponitur, licet ab ea maximè distet apud Ptolemæum. *Eustorgius* Templi Jovis Episcopus legitur act. 6. Conc. Chalced.

COLOPHON Ptol. ibid. vulgò *Belvedere* Nigro teste. ² *Euthalius* vel *Eulalius* hujus Episcopus subscripsit Concilio Ephesino.

LEBEDUS Scylaci in Periplo, Italis *Lebeditzi* teste Leunclavio. ³ *Juliani* hujus Sedis Episcopi meminit Euagrius Hist. Eccles. lib. 2. cap. 18. & *Cyriacus* Lebedi civitatis Episcopus subscripsit actibus Ephesinis, qui act. prima Concil. Chalced. extant.

⁴ TEOS Ptol. ubi suprà, nunc dicitur *Susos* testibus Theveto & Molano. *Gennadius* Theorum Episcopus legitur act. 6. Conc. Chalced.

ERYTRÆ eidem Ptolemæo ibid. vulgò *Colire* Nigro, & aliis *Stolar*. ⁵ *Eutybius* hujus Episcopus subscripsit Conc. Ephesino, necnon *Theodistus* Collationi octavæ Synodi generalis quintæ.

⁶ ANTANDRUS Ptolem. lib. 5. cap. 2. nunc *S. Dimitri* dicitur, teste Sophiano. *Zozimus* Antandritanus Episcopus subscripsit Concilio Constantino-politano sub Agapeto & Menna, & quintæ Synodo generali.

⁷ PEPERE, quæ & Theodosiopolis Ptol. ibid. vulgò *Qualpenea* teste Castaldo. *Pollion* Peperensis Episcopus subscripsit Conc. Nicæno, ubi ex Lydia, quæ Asiæ contermina est, dicitur, & *Pollinus* Theodosiopolis Asiæ Concilio Chalced.

⁸ CUMA seu Cymæ Ptol. ibid. vulgò *Castri* Sophiano, sed *Foja Nova* teste Nigro. *Maximus* ejus Episcopus subscripsit Conc. Ephes. & *Anatolius* Collationi primæ Synodi generalis quintæ.

⁹ AULIUM Asiæ civitas Concilio Chalced. in quo *Thomas* civitatis Aulii Episc. legitur sub Epheso act. 6.

NAULOCHUS Plinio, sub Epheso est in Concilio Chalcedonensi, in quo *Alexandri* Naulochi Episcopi mentio fit act. 6.

PALÆOPOLIS vel Palæa Straboni lib. 13. ¹⁰ *Rhodon* ejus Episcopus subscripsit Concilio Ephesino.

PHOCÆA Ptol. lib. 5. cap. 2. Italis *Foja vecchia* teste Sophiano. *Theodistus* Phocæorum Episcopus subscripsit Concilio Ephesino, & *Quintus* Phociensis Chalcedonensi.

¹¹ BARGAZA Ptol. ibid. *Joannes* civitatis Bargazorum, aliis Baretorum, quorum in Notitia Græca mentio est, legitur act. 6. Concilii Chalcedonensis sub Epheso.

THYMBRIA Straboni l. 14. *Eustathius* hujus Episcopus subscripsit Concilio Chalcedonensi.

CLAZOMENE Ptolem. ubi suprà. ¹² *Eusebius* Clazomenorum Episcopus Concilio Ephesino subscripsit.

¹³ MAGNESIA Sipyli Ptol. ubi suprà. *Eusebius* Magnesiæ Sipyli Episcopus eidem Concilio Ephesino subscripsit.

SMYR-

NOTÆ LUCE HOLSTENII.

¹ *Fanum Jovis &c.* MS. Latin. Dios hieru retinet.

² *Euthalius &c.* Alexander Chalced. Act. 6.

³ *Juliani &c. mem. Euagr. Hist. Eccl. lib. 2. cap. 18.* & Concil. Chalcedon. Act. 6.

⁴ *Teos &c. Gennadius* Τησών, Teiensis MSS. Latin. [& Theorum Ep. &c.] & Act. 1. in Latrocinio Ephesino.

⁵ *Eutybius &c.* Dracontius Chalced. Act. 6.

⁶ *Antandrus &c. teste Sophiano* Aretianus in Concil. Chalced. Act. 6. &c.

⁷ *Peperere* [&c. teste Castaldo] Straboni & Plinio Perperene & vet. not. περπερίνη pag. 11. [*Pollion &c. ubi ex Lydia*] Sic & Ptolem. primo loco inter Lydiæ, sive Mæoniæ civitates ponit. [& *Pollinus*] Paulinus Perperenensis, qui haud dubiè

idem cum Pollino subscripsit v. Synodo Romanæ sub Symmacho &c. Olympius Act. 6. inter vicinos Asiæ Episcopos subscripsit; unde apparet duas fuisse ejusdem nominis civitates.

⁸ *Crma &c.* Chrysogonus Concil. Chalced. Act. 6.

⁹ *Aulium* AULIU COME, sive AULII vicus, habet Hierocles; & sic Acta Græca Conc. Chalced.

¹⁰ *Rhodon &c.* Basilicus Chalced. Act. 6.

¹¹ *Bargaza Ptol. ibid.* vel potius Βαρτζα, ut Hierocles & Concil. Chalced. Act. 6. & sic MS. Latin. antiq.

¹² *Euseb. &c. Conc. Ephes. subsc.* & Chalcedon. Act. 6.

¹³ *Magnesia &c.* Alexander Chalced. Act. 6.